



# **Kev txheeb xyuas tus cwj pwm coj yog dab tsi thiab ho muab coj los siv li cas? Qhov qhia me ntsis rau cov niam txiv**

(What is Functional Behavioral Assessment and How is it Used? An Overview for Parents - Hmong version)

Thaum ib tug me nyuam uas muaj tsab ntawv teev kev kawm tus kheej (IEP) muaj cov cwj pwm coj tsis tus nyob hauv tsev kawm ntawv uas hloov tsis tshua tau, cov niam txiv yuav tau hais kom muaj kev rov ntsuam xyuas los txheeb xyuas cov cwj pwm coj txhawj txog no kom meej meej.

Li ib feem ntawm txoj kev rov ntsuam xyuas dua, tsev kawm ntawv yuav siv kev txheeb xyuas tus cwj pwm coj (FBA) los txheeb xyuas txoj kev kawm ntawv tshwj xeeb thiab cov kev pab cuam nrog thiab npaj los yog hloov kho txoj kev cob qhia tus cwj pwm coj.

## **Kev txheeb xyuas tus cwj pwm coj yog dab tsi?**

Kev txheeb xyuas tus cwj pwm coj yog ib txoj hau kev sau kom muaj ntaub ntawv txog tus cwj pwm coj uas pab neeg npaj kev kawm tus kheej yuav siv tau los pab txheeb xyuas cov kev txhawb qhia thiab kev pab rau tus me nyuam kom siv tau tus cwj pwm coj zoo nyob hauv tsev kawm ntawv. Txoj kev txheeb xyuas no siv los xam xyuas cov lus teb raws li 3 lo lus nug hais mus no:

- Vim li cas tus me nyuam no ho muaj tus cwj pwm coj tsis haum?
- Yam dab tsi ho ua kom muaj tus cwj pwm coj tsis haum no?
- Cov kev txhawb zoo twg yuav pab kom txo tau tus cwj pwm coj tsis haum thiab kom muaj tus cwj pwm coj yog?

## **Thaum twg yuav tau muaj txoj kev txheeb xyuas no?**

Tseem fwm txoj cai yeej teev kom muaj txoj kev txheeb xyuas tus cwj pwm coj thaum twg los xij yog ib tug me nyuam muaj ib qho tsis taus twg muaj kev hloov qhov chaw kawm vim muaj txoj kev cob qhia muaj paus muaj ntsis raws li no:

1. Thaum tau tshem tus me nyuam tawm hauv tsev kawm ntawv mus tshaj li 10 hnuv sib txuas nkaus rau qhov muaj tus cwj pwm coj uas tsis yog vim los ntawm tus me nyuam qhov tsis taus.
2. Thaum tau tshem tus me nyuam tawm ntau tshaj li 10 hnuv uas tus cwj pwm coj no tsis yog los ntawm tus me nyuam qhov tsis taus tab sis pab neeg npaj kev kawm ntawv tus kheej txheeb pom tias tsim nyog muaj txoj kev txheeb xyuas tus cwj pwm coj.
3. Thaum muab tus me nyuam tso rau ib qho chaw kawm tos uas tsis ntau tshaj li 45 hnuv rau qhov muaj tus cwj pwm coj cuam tshuam txog tej cuab yeej phom sij, yeeb tshuaj tsis raug cai los yog qhov ua kom mob nqajj tau.

## **Puas muaj lwm lub caij los npaj txoj kev txheeb xyuas tus cwj pwm coj no?**

Thaum txoj kev txhawb qhia tus cwj pwm coj thiab kev pab ntawd pab tau tus me nyuam zoo heev, koj tus me nyuam yuav tsum kawm tau ntawv nce qib mus raws li cov hom phiaj teev nyob hauv tsab IEP. Yog tias nws kawm tsis tau nce qib los yog ho muaj qhov coj tsis haum tshiab tawm tuaj uas ua rau koj tus me nyuam kawm

tsis tau nce qib, cov niam txiv yuav tsum xav seb puas tsim nyog hais kom muaj txoj kev txheeb xyuas tus cwj pwm coj tshiab.

Tej zaum koj tseem yuav tau hais kom muaj txoj kev txheeb xyuas tus cwj pwm coj yog hias tias koj tus me nyuam muaj tus cwj pwm coj tsis haum uas pheej txob lwm tus me nyuam thiab cuam tshuam lawv rab peev xwm kawm ntawv.

Qhov zoo tshaj yog koj yuav tau sau ua ntawv zias thiab khaws ib daim qauv tseg rau koj.

### **Yuav tshwm sim dab tsi ntxiv mus?**

Tom qab tau txais koj daim ntawv hais kom muaj kev txheeb xyuas lawm, pab neeg npaj kev kawm ntawv tus kheej yuav sib ntsib, yuav tig xyuas cov kev txhawj txog tus cwj pwm coj, thiab xam xyuas seb puas tsim nyog muab kev txheeb xyuas. Tej zaum pab neeg npaj kev kawm no ho xav los xam xyuas cov kev txhawb qhia tus cwj pwm coj tshiab, cov kev pab tshiab, los yog cov tswv yim qhia tshiab. Tej zaum lawv yuav pom zoo tias yeej tsim nyog muab kev txheeb xyuas tshiab lawm.

### **Leej twg yog tus los sau cov ntaub ntawv txog txoj kev txheeb xyuas tus cwj pwm coj?**

Pab neeg npaj kev kawm ntawv tus kheej.

### **Cov kauj ruam lis kev txheeb xyuas tus cwj pwm coj yog li cas?**

1. Txheeb xyuas thiab pom zoo tias tus cwj pwm coj twg yuav tau hloov. Txoj kev txheeb xyuas no yog pib muab tus cwj pwm coj tsis haum coj los piav kom tseeb xwv txhua tus thiaj li to taub qhov kev txhawj no. Yog tus me nyuam muaj ntau tus cwj pwm coj muaj teeb meem, qhov tseem ceeb yog yuav tau txheeb xyuas cov cwj pwm tsis haum tshaj plaws ua ntej.
2. Txheeb xyuas seb qhov twg yog qhov pheej muaj thiab ho tsis muaj tus cwj pwm coj no tshwm sim. Pab neeg npaj kev kawm ntawv tus kheej yuav siv kev sib nug, muaj kev soj xyuas, thiab sib tham txog cov lus nug hais mus nram no:
  - Cov chaw uas tsis muaj tus cwj pwm coj no tshwm sim ho txawv li cas?
  - Cov chaw uas muaj tus cwj pwm muaj teeb meem no tshwm sim ho txawv li cas?
  - Puas yog cov cwj pwm muaj teeb meem no muaj raws li tus me nyuam teb rau tus kws qhia ntawv los yog lwm tus me nyuam?
  - Puas yog muaj lwm cov me nyuam nyob ze, los yog qhov ua tsis tau cov ntawv kawm ntawd tsim muaj tus cwj pwm muaj teeb meem no?
  - Puas yog tib lub sij hawm ntawm ib hnub twg los yog tus me nyuam lub siab coj pheej ua kom muaj tus cwj pwm no? Puas yog cov teeb meem niaj hnub (caj npav thaum sawv ntxov, los yog pheej tsis haum nrog cov luaj li nws nyob hauv tsev kawm ntawv txoj kev taug (hallway) ua rau tus me nyuam coj li no?
  - Puas yog tus cwj pwm coj no tshwm sim rau thaum muaj ib yam dab tsi los yog ib qhov chaw twg nkaus nkaus xwb?
  - Qhov kev kawm twg tiag ho txhawb tau los yog hloov tau tus cwj pwm muaj teeb meem no?
3. Sau cov lus hais tawm txog qhov tus me nyuam ua nyob hauv ntau ntau qhov chaw kom ntau li ntau tau. Tej zaum kuj tseem yuav tau nrhiav cov lus uas muaj nyob hauv lwm qhov chaw hais txog tus me nyuam tus cwj pwm coj tsis haum thiab. Qhov ntawd tej zaum kuj yuav yog tig los saib cov ntawv txheeb xyuas yav tas, cov ntawv qhia tawm txog tej teeb meem coj tsis zoo, thiab lwm yam uas tsev kawm ntawv muaj hais txog tus me nyuam tus cwj pwm coj. Cov niam txiv los tej zaum tseem yuav qhia tau cov lus hais tawm hauv lwm hom kev txheeb xyuas los ntawm cov kws pab kev ntxov siab. Thaum cov lus no yog ib co yuav tau paub los, cov niam txiv yuav tsum paub tias lawv yuav qhia tau cov lus hais txog kev noj qab nyob zoo ntawd ntau npaum li cas xwb.

4. Npaj kom muaj ib qho xav twj ywm tias vim li cas tus cwj pwm muaj teeb meem ntawd ho tshwm sim los (qhov ua tawm los ntawm tus cwj pwm coj). Siv tag nrho cov lus muab tau los ntawm kev soj xyuas thiab tig xyuas cov ntawv khaws tau, ib lub tswv yim tau hais tias vim li cas tus cwj pwm coj ho tshwm sim los. Qhov no yuav pab xam pom tias qhov twg tiag thiab vim li cas koj tus me nyuam tus cwj pwm coj muaj teeb meem yuav muaj tshwm sim ntau tshaj los yog tsawg dua.
5. Txheeb xyuas tus cwj pwm coj uas yuav qhia tau thiab txhawb tau nyob hauv tsev kawm ntawv thiab qhov yuav muab tau lwm txoj hau kev zoo los hloov tus cwj pwm coj muaj teeb meem ntawd rau koj tus me nyuam.

### **Koj yuav siv cov lus hais tawm los ntawm txoj txheeb xyuas tus cwj pwm coj no nyob hauv koj tus me nyuam tsab IEP li cas?**

Cov me nyuam uas siv cov cwj pwm coj tsis haum yuav tau txais txiaj ntsig los ntawm qhov kawm cov hau kev tshiab los coj. Tsab IEP yuav tsum muaj cov hom phiaj mus kawm lwm lub tswv yim, ntau cov hau kev los ua thaum lawv ntxhov siab, chim siab, los yog ntshai. Ib txoj hau kev npaj los siv cov kev txhawb qhia kom coj zoo yuav tsum muaj raws li ib feem ntawm txoj kev kawm hauv tsab IEP rau koj tus me nyuam.

Thaum kev txheeb xyuas koj tus me nyuam tus cwj pwm coj tau ua tiav lawm, koj yuav tsum nrhiav pom cov kev hloov muaj nyob hauv tsab IEP li hais mus no:

1. Cov hom phiaj uas qhia hloov cov cwj pwm coj. Cov me nyuam yuav tau kawm kom faj tau qhov yuav ua rau lawv coj tsis haum thiab kawm cov tswv yim tshiab los siv hloov tus cwj pwm coj tsis haum uas lawv pheej siv los lawm.
2. Kev npaj los txhawb qhia tus cwj pwm coj zoo (BIP). Txoj kev npaj no muaj cov tswv yim tshwj zias los hloov kho cov kev qhia, qhov chaw kawm, tes hauj lwm, los yog cov kev tham nrog tus me nyuam kom txhob muaj tus cwj pwm coj tsis haum no tawn los.

Txoj kev npaj no yuav tsum muaj kev cob qhia zoo thiab cov kev pab thaum koj tus me nyuam ua qhia tias nws yeej siv cov tswv yim tshiab los hloov cov cwj pwm coj tsis haum no lawm.

**Thov paub tias: Qhov tseem ceeb heev yog qhov yuav tau paub tias txoj kev npaj txhawb qhia kom muaj tus cwj pwm coj zoo tsis yog ib txoj kev los txheeb xyuas qhov tshwm sim rau ib tug me nyuam uas tau ua txhaum txoj cai los yog tus qauv coj zoo. Qhov ntawd yuav hu tau tias yog txoj npaj kev cob qhia.**

Xav paub ntxiv txog cov kev txhawb qhia kom muaj tus cwj pwm coj zoo, kev txheeb xyuas tus cwj pwm coj thiab lwm cov ntsiab lus, thov hu rau:

**PACER Center**  
[PACER.org](http://PACER.org)

**Center on Positive Behavioral Interventions and Supports**  
[Pbis.org](http://Pbis.org)

**Center on the Social and Emotional Foundations for Early Learning**  
[Csefel.vanderbilt.edu](http://Csefel.vanderbilt.edu)

**Technical Assistance Center on Social Emotional Intervention (TACSEI)**  
[challengingbehavior.cbcs.usf.edu](http://challengingbehavior.cbcs.usf.edu)

**Minnesota Department of Education**  
[Education.state.mn.us](http://Education.state.mn.us)

**IDEA.gov**  
<https://sites.ed.gov/idea>